

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar, Admir Katica, (u daljem tekstu Kupac)

i

„SANI-TOX d.o.o. Sarajevo, ulica Jukićeva 120, ID broj 4201784260003, koje zastupa direktor, Adin Mešanović, (daljem tekstu: Dobavljač)

zaključili su:

UGOVOR
o nabavci usluga dezinfekcije, dezinskecije i deratizacije za potrebe Ministarstva unutrašnjih poslova Kantona Sarajevo

Član 1.

Predmet ugovora je nabavka usluga dezinfekcije, dezinskecije i deratizacije, po provedenom direktnom postupku, na osnovu Odluke o provođenju direktnog postupka nabavke broj 04-1-11-4-362/26 od 16.01.2026. godine i ponude Dobavljača.
Ponuda broj 04/26 od 13.02.2026. godine je sastavni dio ovog ugovora.
Ugovor se zaključuje u skladu sa uslovima iz ponude Dobavljača i potrebama Ugovornog organa.

Član 2.

Usluge iz člana 1. ovog ugovora će se pružati na lokacijama Ugovornog organa.
Ukupna vrijednost ovog ugovora iznosi do 6.000,00 KM bez PDV-a (šesthiljada i 00/100 KM).

Član 3.

Ugovorni organ će ugovorenu cijenu plaćati Dobavljaču u roku do 30 (trideset) dana po dostavljanju fakture.

Član 4.

Dobavljač se obavezuje da će usluge dezinfekcije, dezinskecije i deratizacije vršiti u 2026. godini, odnosno do 31.12.2026. godine, a prema potrebama Ugovornog organa i zakonskim rokovima koji regulišu ovu oblast.

Član 5.

Dobavljač se obavezuje da će ugovorenu uslugu izvršiti u svemu prema propisima, standardima i normama kvaliteta, zakonskim i podzakonskim aktima koji važe za vrstu usluga koje su predmet nabavke.

Član 6.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 7.

Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa, a najduže godinu dana od dana obostranog potpisivanja ugovora.

Član 8.

Ugovorne strane su saglasne da će sva, eventualno sporna pitanja rješavati dogovorom, štiteći obostrane interese.

U slučaju nemogućnosti zajedničkog rješenja, eventualno nastalog spora, spor će rješavati nadležni sud u Sarajevu.

Član 9.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka strana.

DOBAVLJAČ
„SANI-TOX“ d.o.o. SARAJEVO

direktor, *Admir Mešanović*



Datum: *11.03.2026*

Broj: *054/26*

UGOVORNI ORGAN
MUP KANTONA SARAJEVO

minister, *Admir Katica*

Datum: 13.02.2026. godine

Broj: 04-1-11-4-362-1/26